



DET KONGELIGE  
KOMMUNAL- OG REGIONALDEPARTEMENT

Kvam herad  
v/Lars Erik Klafstad  
Grovagjelet 16  
5600 NORHEIMSUND

Deres ref.

Vår ref.  
13/570-15

Dato  
4.7.2013

**Statsbudsjettet 2013 - Kap. 552, post 72 - Tilsegn om tilskot på inntil 1 300 000 til - Kvammalokk Revisited - Lakmustesten - Bolyst 2013**

Tilsegningsnummer: 13242025

Vi viser til:

- Utlysing av bulystmidlar på [www.regjeringa.no/bolyst](http://www.regjeringa.no/bolyst)
- Søknad frå Kvam herad

Kommunal- og regionaldepartementet (KRD) gir med dette tilskot på inntil 1 300 000 kroner til prosjektet Kvammalokk revisited - lakmustesten i Kvam herad i 2013. Dette er ei eingongsløyving for heile prosjektperioden. 2013 er det siste året med bolystsatsing. Prosjektet kan difor ikkje rekne med ytterlegare medfinansiering frå KRD.

**Målet med bulystsatsinga**

Målet med satsinga på bulyst er å vidareutvikle kunnskap om korleis lokale og regionale utviklingsprosjekt skapar bulyst og attraktive stader. Utvikling av attraktive regionar og sentra for folk og næringsliv er viktig for å nå distrikts- og regionalpolitiske mål. Dei 49 prosjekta som er valde har ulik innretting, ulike tema og stor geografisk spreining. Dette viser breidda og variasjonen knytt til omgrepet bulyst. Vi er opptekne av at bulystsatsinga skapar læring, merksemd og engasjement rundt lokalt og regionalt utviklingsarbeid.

Departementet vil oppfordre fylkeskommunane til å ta ein rådgjevar- og støttespelarfunksjon for dei utviklingsprosjekta som no får støtte gjennom bulystsatsinga. Vi ser fylkeskommunane som ein heilt sentral nettverksbygger og

regional tilretteleggjar for lokale prosjekt. Med utgangspunkt i fylkeskommunane si rolle som regionale utviklingsaktørar er det naturleg at dei tek støttespelarrolla for prosjekta. Vi ynskjer at fylkeskommunane inkluderer dei som har lokalt prosjektansvar for bulystprosjekta i sitt arbeid med lokal- og regional utvikling.

Kompetansesenteret for distriktutvikling (Distriktssenteret) har ei sentral rolle i arbeidet med bulyst, både når det gjeld kunnskapsbygging og formidling. Prosjektansvarlege bør òg bruke [www.distriktssenteret.no](http://www.distriktssenteret.no). Det er ein viktig portal for å finne erfarings- og forskingsbasert kunnskap frå andre satsingar og prosjekt.

Vedlagt finn de ein rettleiar frå Norsk senter for bygdeforskning om lokal samfunnsutvikling. Rettleiaren kan lastast ned via følgjande lenkje, <http://www.regjeringen.no/upload/KRD/LUK/Fagstoff/Veilederilokalsamfunnsutvikling.pdf>. Vi har også lagt ved eit hefte frå Distriktssenteret som oppsummerer kunnskapen Distriktssenteret har om gode grep i lokalt utviklingsarbeid.

Erfaringsoverføring og læring er ein viktig del av bulystsatsinga. Representantar for prosjektet må difor vere villige til å delta i evalueringar og på eventuelle nettverkssamlingar for å presentere prosjektet og dele kunnskap. Kunnskapsdeling kan skje både mellom dei ulike pilotane, og frå pilotane til KRD og Distriktssenteret. Vi ønskjer at prosjekta skal vere synlege, både lokalt, regionalt og nasjonalt.

### **Mål for prosjektet**

Hovudmålsettinga er å skape meirverdi av den satsinga som har vore gjennomført dei seinare åra. Kvam har utmerka seg i dette arbeidet, og har potensiale for utvikling.

Vidare er måla mellom anna å:

- Synleggjere verdiskapinga i kunstfeltet
- Synleggjere og tilpasse kommunalt tilskot
- Auke kunnskap om kunst blant folk
- Betre koordinering mellom aktørane
- Nettverksbygging og internasjonalisering
- Publikumsutvikling
- Fleire kunstoplevingar
- Nærings- og forretningsutvikling

Etablering og organisering av kunst- og kulturbasert næringsklynge basert på røynsle, institusjonar og nettverk som er bygd opp gjennom tilflyttingsprosjekta Kvammalokk og Hardangerlokk med mål om å auka attraktivitet som bu- og arbeidsstad for kunstnarar.

Dei seinare åra har Kvam herad vore pådrivar og vertskommune for kunst- og kulturprosjekt i Hardanger som har hatt til hensikt å auke folketalet. Gjennom dette arbeidet er det etablert fleire kunstinstitusjonar av høg kvalitet.

Prosjektet skal organisere samarbeid mellom desse institusjonane for å nå nye mål om auke i verdiskapinga, fleire kunstopplevingar, meir bruk av kunstnarisk kompetanse i utvikling og problemløysing.

### Kostnadsoverslag

Prosjektet har eit totalbudsjett på 2 905 000 kroner. KRD gjev tilsegn om inntil 1 300 000 kroner over kap. 552, post 72 i 2013.

Følgjande budsjett ligg til grunn for tilskotet, for heile prosjektperioden fram til 2017. KRD gjer merksam på at vårt tilskot gjeld fram til og med 2015:

### Kostnadsplan

Tittel	2013	2014	2015	2016	2017	SUM
						1 800 000
Administrasjon	300 000	300 000	400 000	400 000	400 000	
Innleige kompetanse	30 000	30 000				60 000
Kurs/seminar	50 000	50 000				100 000
Lage marknadsplan						0
Marknadsføring	50 000	50 000	30 000	30 000	30 000	190 000
Møter arbeidsgrupper	20 000	20 000	10 000	10 000	10 000	70 000
Prosjektutvikling tiltak	50 000	50 000	50 000	50 000	50 000	250 000
Research	50 000					50 000
Skrive masterplanen	50 000					50 000
Søknader om tilskot/rapport	25 000	15 000	15 000	15 000	15 000	85 000
Trykk og design	50 000	50 000	30 000	30 000	30 000	190 000
Utvikle database kompetanse	30 000					30 000
Utvikle database kunder	30 000					30 000
<b>Sum kostnad</b>	<b>735 000</b>	<b>565 000</b>	<b>535 000</b>	<b>535 000</b>	<b>535 000</b>	<b>2 905 000</b>

Vi gjer merksam på at midlar over kap 552.72 ikkje kan nyttast til investeringar i bygningar eller anna fysisk infrastruktur. Tilskotet skal som hovudregel ikkje nyttast til investeringar i utstyr. Unntaket er mindre investeringar som er avgjerande for gjennomføringa av aktiviteten. Tilskot til utstyr skal normalt ikkje overstige 10 pst. av prosjektkostnadane. Sjå retningsliner for posten på [www.regjeringen.no/krd/retningslinjer](http://www.regjeringen.no/krd/retningslinjer).

## **Høvet til EØS-regelverk**

Kommunal- og regionaldepartementet har vurdert det slik at Kvam kommune i denne sammenhengen ikkje driv med økonomisk aktivitet og at kommunen ikkje skal sjåast som eit føretak i EØS-avtalen sin forstand. EØS-avtalen sine reglar om offentleg stønad vert difor ikkje brukt på tilskotet.

Vi ber kommunen vere merksam på at dersom kommunen vidareformidlar heile eller delar av tilskotsbeløpet til andre aktørar må kommunen halde seg til reglene om offentleg stønad og lov om offentlege anskaffingar.

Kommunen bør også vere merksam på at dersom det vert gjort endringar i prosjektet vil dette kunne føre til at aktiviteten i prosjektet endrar karakter frå å vere ikkje-økonomisk til å være økonomisk. I slike høver vil reglane om offentleg stønad kunne kome til nytte.

## **Vilkår for utbetaling av midlar:**

1. Kvam herad må innan 15. september 2013 stadfeste ovanfor departementet at det er aktuelt å gjennomføre prosjektet, og at tilskotet vert motteke på vilkåra i dette brevet. Prosjektarbeidet må ikkje settast i gong før den samla finansieringa er på plass. Tilbakemeldinga til departementet må òg innehalde opplysningar om kva kontonummer pengane skal overførast til.
2. Prosjektet kan gjere mindre omprioriteringar og justeringar dersom dette er gunstig for å nå måla i prosjektet. Større endringar, som medfører endringar i prosjektet sitt totale budsjett, må godkjennast av departementet.
3. Det skal førast spesifisert rekneskap for arbeidet. Rekneskapen skal settast opp slik at utgiftene kan samanliknast med kostnadsoverslaget som ligg til grunn for tilskottet. Dersom arbeidet ikkje blir utført i omfanget de har skildra i søknaden, eller til dei kostnader de har gitt opp i søknaden, vil departementet redusere tilskotet tilsvarande. Tilskotsmidlar som departementet har utbetalt kan òg bli kravd tilbakebetalt, heilt eller delvis. Rekneskapsmaterialet skal oppbevarast i 10 år.
4. Riksrevisjonen, Kommunal- og regionaldepartementet eller dei departementet gir mynde, kan krevje informasjon frå tilskottsmottakar og sette i verk kontroll med at midlane vert nytta etter føresetnadene. Dette er i samsvar med Løyvingsreglementets § 10 og Lov om Riksrevisjonen § 12. Tilskottsmottakarar har plikt til å gje opp dei opplysningane som Riksrevisjonen, departementet eller andre som departementet har delegert kontrollmynde til, forlangar.

## **Rapportering og kontroll**

Læring og erfaringsoverføring er eit sentralt mål for bulystsatsinga. Difor ber vi dykk leggje vekt på god rapportering av prosjektarbeidet, både undervegs og med ein eigen sluttrapport.

Alle prosjekt som får støtte skal sende inn ein årleg rapport til departementet. Denne skal innehalde omtale av aktivitetar og tiltak, og gjere greie for eventuelle justeringar av prosjektplanen, både når det gjeld framdrift og aktivitetar. Sjå vedlagde rapporteringsskjema.

Vi ber om at den første, årlege rapporten vert sendt til departementet seinast 24. april 2014. De finn eit eige rapporteringsskjema som skal nyttast til rapporteringa på [www.regjeringen.no/bolyst](http://www.regjeringen.no/bolyst). Papirkopi av skjemaet er òg lagt ved dette brevet.

### **Utbetaling**

For å få midlar må prosjekteigar be KRD om å gjere ei utbetaling (utbetalingsoppmoding).

Utbetalinga blir som hovudregel gjort i tre omgangar.

1. Departementet *kan* utbetale inntil 25 pst. av tilskottet når prosjekteigar har akseptert vilkåra i dette brevet, og arbeidet har starta opp (førehandsutbetaling).
2. Når departementet har motteke dokumentasjon av faktiske utgifter, vert inntil 50 pst. av det samla tilskottet utbetalt (etterskottsutbetaling). Dokumentasjon av utgifter bør følgje den årlege rapporteringa.
3. Den siste delen av tilskottet skal utbetalast når prosjektaktiviteten er fullført, og sluttrapport og eventuell revisorstadfesta rekneskap (sjå punkt 5) er sendt inn (etterskottsutbetaling).
4. Alle prosjekt skal levere sluttrapport og prosjektrekneskap.
5. I tillegg skal revisorstadfestande rekneskap leverast av:
  - a) Private tilskottsmottakarar som tek imot meir enn 100 000 kroner, jf. RS 800 Revisors uttale ved revisjonsoppdrag med spesielle føremål.
  - b) Offentlege tilskottsmottakarar som tek imot meir enn 400 000 kroner, jf. RS 800 Revisor sine uttaler ved revisjonsoppdrag med spesielle føremål.
6. Tilskottet er gyldig i tilsagnsåret, og dei to påfølgjande åra. Prosjektet må vere avslutta slik at siste utbetaling frå departementet kan gjerast seinast innan utgangen av 2015. Utbetalingsoppmoding må sendast til departementet innan 1. desember 2015.
7. Prosjekteigar har ansvar på vegne av prosjektdeltakarane. Dette gjeld òg det finansielle ansvaret.

Ved kontakt med departementet om utbetaling må tilsegningsnummeret som står øvst i dette brevet nyttast. Ved utbetaling av midlar er dette nummeret gitt på utbetalingsblanketten.

**Kommunal- og regionaldepartementet ber om at følgjande opplysningar blir sende til [postmottak@krd.dep.no](mailto:postmottak@krd.dep.no):**

- Stadfesting på at prosjektet vert gjennomført og på at medfinansiering er på plass
- Behov for eventuell førehandsutbetaling
- Kontonummer og oppmodingar om utbetalningar (sjå under "Utbetaling").

- Ved store endringar i prosjektet: Ny framdriftsplan
- Årleg rapport (innan 24. april kvart år)
- Ved prosjektslutt: Sluttrapport og rekneskap i tråd med retningslinene over.

Kommunal- og regionaldepartementet ynskjer dykk lykke til med prosjektet.

Med helsing

Gerd Slinning e.f.  
avdelingsdirektør

Knut Ove Nordås  
seniorrådgjevar

Dette dokumentet er elektronisk godkjent og sendes uten signatur.

Vedlegg:

Rettleiar i lokal samfunnsutvikling

Lokalt utviklingsarbeid

[Rapporteringsskjema for bulyst \(word\)](#)

Kopi til:

Distriktssenteret - Kompetansesenter for distriktutvikling

Hordaland fylkeskommune

Plan- og administrasjonsavdelinga

Riksrevisjonen